

## WILLIAMS, CHRISTOPHER DAVID (1873 - 1934), arlunydd

**Enw:** Christopher David Williams  
**Dyddiad geni:** 1873  
**Dyddiad marw:** 1934  
**Priod:** Emily Williams (née Appleyard)  
**Rhiant:** Mary Williams  
**Rhiant:** Evan Williams  
**Rhyw:** Gwryw  
**Galwedigaeth:** arlunydd  
**Maes gweithgaredd:** Celf a Phensaerniaeth  
**Awdur:** Megan Ellis

Ganwyd ym Maesteg, 7 Ionawr 1873, yn unig fab i Evan a Mary Williams. Arfaethwyd iddo ddilyn gyrfa feddygol, ond llwyddodd yn y pen draw i drechu gwrthwynebiad ei rieni, ac wedi gadael yr ysgol uwchradd yng Nghroesoswallt a mynychu dosbarthiadau celf yng Nghastell-nedd sicrhaodd ysgoloriaeth i'r Coleg Celf Brenhinol yn South Kensington. Wedi tair blynedd dechreuodd fynychu ysgolion yr Academi Frenhinol, lle y bu'n astudio dan Sargent a Clausen a lle'r enillodd wobwr Landseer am bortread pen. Ar ôl priodi Emily Appleyard yn 1904 bu'n teithio'n helaeth yn yr Eidal, y Swistir, Sbaen, a Moroco. Bu farw yn Llundain, 19 Gorffennaf 1934.

Peintiwr portreadau a darluniau alegoriaidd oedd Christopher Williams yn anad dim, ond peintiodd hefyd dirluniau a thirluniau yn cynnwys ffigurau. Fe'i comisiynwyd i beintio darlun o arwisgiad tywysog Cymru yng Nghaernarfon yn 1911 a [The Charge of the Welsh Division at Mametz Wood](#) yn 1916. Ymysg ei bortreadau y mae rhai o [Syr John Williams](#), [Syr Henry Jones](#), [Syr John Rhys](#), [David Lloyd George](#) (yr Iarll Lloyd-George o Ddwyfor cyntaf yn ddiweddarach), [Syr John Morris-Jones](#), a [Hwfa Môn](#). Cafodd nifer o'i beintiadau eu cynnwys yn arddangosfeydd yr Academi Frenhinol a chynrychiolir ei waith yng nghasgliadau Amgueddfa Genedlaethol Caerdydd, Llyfrgell Genedlaethol Cymru yn Aberystwyth, ac Oriel Gelf Glynn Vivian yn Abertawe, ac yng Nghaernarfon, Maesteg, a Choleg Harlech.

### Awdur

Megan Ellis, (1906 - 2001)

### Ffynonellau

Jeremiah Williams (gol.), *Christopher Williams, R.B.A. an account of his life and appreciations of his work* (Caernarfon 1955)

T. M. Rees, *Welsh painters, engravers and sculptors, 1527–1911* (1912)

*Who was who?*

### Darllen Pellach

Erthygl Wicipedia: [Christopher Williams](#)

### Gweithiau

Amgueddfa Cymru: [Christopher Williams](#)

ArtUK: [Christopher Williams](#)

### Dolenni Ychwanegol

VIAF: [95812865](#)

Wikidata: [Q5113432](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

